

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 459045 23 St
Tuzla, 25.06.2024.godine

Općinski sud u Tuzli, sudija Antonela Đaković kao stečajni sudija u stečajnom postupku nad imovinom dužnika „MONTE MONT“ d.o.o. za građevinarstvo, promet i usluge Tuzla, ul. Turalibegova br. 22, van ročišta, dana 25.06.2024.godine donio je:

R J E Š E N J E

OTVARA SE stečajni postupak nad imovinom dužnika Društvo sa ograničenom odgovornošću za proizvodnju, promet i usluge „MONTE MONT“ d.o.o. za građevinarstvo, promet i usluge Tuzla, ul.Turalibegova br. 22, MBS:1-13291, JIB: 4209695040009, račun broj:5550530028033040 otvoren kod Nova banka a.d. Banja Luka-Filijala Sarajevo.

Za stečajnog upravnika imenuje Emir Nuhanović iz Živinica, ul. Priluk br. 65.

ZAKLJUČUJE SE stečajni postupak nad imovinom dužnika Društvo sa ograničenom odgovornošću za proizvodnju, promet i usluge „MONTE MONT“ d.o.o. za građevinarstvo, promet i usluge Tuzla, ul. Turalibegova br. 22, zbog nedostatka stečajne mase za pokriće troškova stečajnog postupka.

Rješenje će se objaviti na Oglasnoj tabli suda, WEB stranici suda, Službenim novinama F BiH, te dostaviti FIA-i.

Pravne posljedice zaključenja stečajnog postupka nastupit će po proteku osam dana od dana objavljivanja rješenja u „Službenim novinama F BiH“, a pravosnažno rješenje će se dostaviti Odjeljenju registra ovog suda, radi brisanja stečajnog dužnika iz sudskog registra.

O b r a z l o ž e n j e

Rješenjem Općinskog suda u Tuzli broj 32 0 St St 459045 24 St od 14.03.2024.godine, pokrenut je prethodni postupak radi utvrđivanja uslova za otvaranje stečajnog postupka nad imovinom dužnika „MONTE MONT“ d.o.o. za građevinarstvo, promet i usluge Tuzla, ul.Turalibegova br. 22, a za privremenog stečajnog upravnika imenovan je Emir Nuhanović iz Živinice, a sve temeljem člana 61. Zakona o stečaju (Sl. novine F BiH 53/21).

Privremeni stečajni upravnik dostavio je izvještaj o provedenom prethodnom postupku ovom sudu dana 16.04.2024.godine. Iz izvještaja privremenog stečajnog upravnika proizilazi da je djelatnost društva bila građevinarstvo, promet i usluge, a osnivač društva je Ikinić Selma, a lice ovlašteno za zastupanje Ikinić Ago, a rješenjem Općinskog suda u Tuzli broj: 032-0-Reg-15-001336 od 10.06.2015.godine utvrđen je prestanak rada društva. U prethodnom postupku stečajni upravnik je utvrdio da navedeni pravni subjekt nema uposlenika niti nepokretne imovine kao ni pokretne imovine, osim jedne mašine TIP CASE 695 Super R, koja je vraćena Raiffeisen Leasing d.o.o Sarajevo, rashodovana i ista nije u posjedu pravnog subjekta, što proizilazi iz Izjave zastupnika dužnika Ikinić Age od 26.04.2024. godine. Računi društva su blokirani. Društvo ima obaveze prema Poreznoj upravi F BiH u iznosu od 49.029,57 KM.

Stečajni upravnik smatra da su ispunjene pretpostavke za otvaranje stečajnog postupka nad imovinom dužnika društva „MONTE MONT“ d.o.o. za građevinarstvo, promet i usluge Tuzla, ul. Turalibegova br. 22.

Stečajni dužnik, a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka.

U smislu odredbe člana 103. stav 1., a u vezi sa odredbom člana 102. stav 7. Zakona o stečaju F BiH („Sl. novine F BiH“ broj 53/21), a budući da dužnik ne raspolaže sredstvima za vođenje stečajnog postupka iz kojih bi se mogli podmiriti troškovi stečajnog postupka, sud je Javnim pozivom od 19.01.2024.godine pozvao predlagača, povjerioce i sva zainteresovana lica da u roku od 30 dana od dana objavljivanja poziva u službenim novinama uplate iznos od 3.000,00 KM na ime otvaranja stečajnog postupka, iz kojeg predujmljenog iznosa bi se pokrili troškovi stečajnog postupka.

Rješenje kojim se pozivaju predlagač, povjerioci i sva zainteresovana lica objavljeno je u Službenim novinama F BiH broj 35/24 dana 15.05.2024.godine, oglasnoj tabli suda dana 20.05.2024.godine i na web stranici suda.

Obzirom da u ostavljenom roku koji je propisan zakonom povjerioci ili neko od zainteresovanih lica nije izvršio uplatu predujma za finansiranje troškova stečajnog postupka, sud je u smislu odredbe člana 102. stav 8. Zakona o stečaju, donio odluku o otvaranju i zaključenju stečajnog postupka, na način određene u izreci rješenja.

Temeljem odredbe člana 102. stav 8. Zakona o stečaju, rješenje o zaključenju stečajnog postupka dostavlja se nadležnom tužilaštvu Tuzlanskog kantona, Poreskoj upravi FBIH i Upravi za indirektno oporezivanje BiH.

Nadalje, temeljem odredbe člana 204. stav 1. i 3., a u vezi sa odredbom člana 190. stav 10. Zakona o stečaju, rješenje se ima objaviti na oglasnoj tabli suda, WEB stranici suda, Službenim novinama F BiH te dostaviti za FIA, dok je odredbom člana 204. stav 2. istog Zakona propisano da pravne posljedice zaključenja stečajnog postupka proizvode pravno dejstvo u roku od 8 dana od dana objave ovog rješenja u Službenim novinama F BiH.

Odluka o brisanju pravnog lica iz javnih registara temelji se na odredbi člana 204. stav 5. Zakona o stečaju.

Na osnovu odredbe člana 206. stav 2 Zakona o stečaju, osnivač društva je dužan preuzeti arhivsku građu i istu predati nadležnom arhivu na čuvanje.

Temeljem odredbe člana 102. stav 8. Zakona o stečaju sud je postupio kao u izreci rješenja.

Sudija

Antonela Đaković

POUKA O PRAVNOM LIJEKU:

Protiv ovog rješenja stečajni povjerioci i stečajni dužnik mogu izjaviti žalbu Kantonalnom sudu Tuzla, putem ovog suda, u roku od 8 dana, od dana objavljivanja rješenja u Službenim novinama.